



## Robotika tailerrak (2021-03)

Eibarko Udalak programazioan inguruko tailer teknologikoa antolatu du zientzia eta teknologiaren mundu ikusgarrian murgiltzeko.

**Tramitatzailea:** Eibarko Udaleko Kultura saila, Haurreria eta Gazteria.

**Nork emango du:** Doplay.

**Hartzaileak:**

- LH 3. eta 4. mailakoentzat.
- LH 5., LH 6., DBH 1. eta DBH 2. mailakoentzat.

**Non:**

LH 3 eta LH 4: Jazinto Olabeko ludotekan.

LH 5, LH 6, DBH 1 eta DBH 2: Indianokua gaztelekuan.

**Taldeak, datak eta ordutegiak:**

**ROBOTIKA eta ERREALITATE AREAGOTUA: LH 3. ETA 4. MAILAKOENTZAT**

- Abenduak 27, 28, 29 eta 30. Ordutegia: 09:30etatik 13:30etara.

**ROBOTIKA eta ERREALITATE AREAGOTUA: LH 5., 6. MAILAKOENTZAT eta DBH 1. eta 2. mailakoentzat**

- Abenduak 27, 28, 29 eta 30. Ordutegia: 09:30etatik 13:30etara.

**Ikastaroaren prezioa:**

- Eibarren erroldatutakoak **30€**.
- Eibarren erroldatuta ez daudenak **60€**

**Ikastaroaren ordainketa:** Ikasleei matrikularen zenbatekoa ordainketa bakar batean kobratuko zaie, erreziboa helbideratuta.

**Ikasle kopurua:** txanda bakoitzean, gutxienez 5 haur, gehienez 15 haur.

**Tailerren hizkuntza:** euskaraz.

**Aurrematrikula:** ikastaroan izena emateko aurrematrikula egin beharko da **abenduaren 10etik 20ra (biak barne)**. Aurrematrikula egiteko **formulario bat bete beharko da elektronikoki ondorengo estekan:**

<https://formularioak.eibar.eus/eu/robotika2021-03>

**Kudeaketa arauak:**

Aurrematrikula egiteko epea amaitzerakoan behin-behineko zerrendak lortuko dira eta taldeen kudeaketa burutuko da.



Izena eman duten pertsonen kopurua ez bada heltzen ikastaroa emateko ezarritako gutxieneko ikasle-kopurura, ez da ikastarorik egingo. Abisua udalaren web orrian emango da ([www.eibar.eus](http://www.eibar.eus)), **2021eko abenduaren 22an**.

Izena eman duten pertsonen kopuruak ezarritako gutxieneko ikasle-kopurua gainditzen badu eta ezarritako gehieneko ikasle-kopurutik gorakoa ez bada, matrikula guztiak onartuko dira.

Matrikularako izena eman dutenen kopurua ezarritako gehieneko ikasle-kopurutik gorakoa bada, ikasleen aukeraketa zozketa bidez egingo da. **Zozketa Portalean egingo da**. Hona hemen zozketa-eguna eta ordua: **2021eko abenduaren 22an 10:00etan**. Zozketa era honetan egingo da:

- Zozketa egin aurretik tailer eta txanda bakoitzean izena eman duten pertsona guztiekin zerrendak egiten dira alfabetoaren arabera ordenatuta; bakoitzari zenbaki bat emango zaio.
- Zaku batean eskatzaile adina zenbaki sartuko dira, eta taldeko gehieneko plaza adina bola aterako dira.

Onartu diren pertsonen izenekin zerrendak egingo dira. Zerrenda horiek PEGORAn eta udalaren webgunean ([www.eibar.eus](http://www.eibar.eus)), egongo dira **2021eko abenduaren 22an, 12:00etatik** aurrera. Zerrenda horiek argitara ematen diren unean sortzen da matrikularen zenbatekoa ordaintzeko obligazioa. Ikastaroa utzi edo ikastaroan baja ematen duen pertsonak ez du izango matrikularen zati proportzionala jasotzeko eskubiderik.

Aurre-inskripzioen onarpenaren ondoren, behin betiko inskripzioa egin behar da, ondoren adierazten den dokumentazioa tailerra burutuko den lehen egunean aurkeztuz:

- Robotika tailerretan izena emateko inprimakia behar bezala beteta eta tailerrera joango den adingabearen aita, amak edo tutoreak sinatuta.
- Tutoreen kasuan, tutoretza egiaztatzen duen dokumentazioa.

**Informazio gehiago: 943 708 435 telefonoan.**